



## Concello A Guarda

### **ACTA DA SESIÓN EXTRAORDINARIA URXENTE CELEBRADA POLA XUNTA DE GOBERNO LOCAL EN DATA 5 DE XULLO DE 2017.-**

Na Casa do Concello da Guarda, sendo as oito horas e quince minutos do día 5 de xullo de dous mil dezasete, tivo lugar a sesión extraordinaria yurxeordinaria da Xunta de Goberno Local, que, convocada e presidida polo Sr. Alcalde **D. Antonio Lomba Baz**, contou coa asistencia dos seguintes concelleiros membros deste órgano:

- **D<sup>a</sup>. Montserrat Magallanes Alvarez**
- **D. Miguel A. Español Otero**
- **D. Manuel Javier Crespo Gonzalez**
- **D<sup>a</sup>. Teresa Vicente Baz**
- **D. Paulino Rodríguez Gonzalez**

**Asiste como Secretario Acctal. o funcionario do Concello D. José Carlos Martínez Crespo.**

Sendo a hora sinalada, o Sr. Presidente pasa a dar conta dos asuntos que conforman a orde do día, que de seguido se relacionan:

#### **PUNTO 1.- XUSTIFICACIÓN DA URXENCIA**

O sr. Alcalde da conta das razóns que motivan a urxencia desta sesión e que se transcriben literalmente:

O día 5 de xullo de 2017 remata o prazo para a solicitude de subvencións para a mellora das escolas infantís dependentes das corporacións locais. Debido ó volume de traballo dos distintos departamentos do Concello non foi posible ter preparada a documentación necesaria para solicitar dita subvención con anterioridade e sendo a competencia para elo da Xunta de Goberno Local propoño á Xunta de Goberno Local a aprobación da urxencia desta convocatoria.

A Xunta de Goberno Local, pola unanimidade dos presentes, acorda aprobar a urxencia da convocatoria.

#### **PUNTO 2.- EXPEDIENTE 1453/2017. CONCESION DE SUBVENCIÓN POR CONCORRENCIA COMPETITIVA.**

##### **PROPOSTA DA ALCALDÍA**

Vista a Orde do 23 de maio de 2017 pola que se regulan as bases que rexerán o procedemento de concesión de axudas para investimento na mellora das infraestruturas e equipamento das escolas infantís 0-3 e puntos de atención á infancia dependentes das corporacións locais, e se convocan para o ano 2017 e

Vista a memoria elaborada polo Arquitecto técnico municipal denominada “Valoración equipamento para guardería municipal”

Propoño á Xunta de Goberno Local a adopción do seguinte acordo:

Solicitar unha subvención ó abeiro desta orde e aceptar as condicións e requisitos establecidos nesta convocatoria.

A Xunta de Goberno Local, pola unanimidade dos seus membros, acorda aprobar a proposta



## Concello A Guarda

---

nos termos en que foi redactada

### **PUNTO 3.- EXPEDIENTE 743/2017.- SUBVENCIÓN PRAZA DE ABASTOS**

---

#### PROPOSTA DA ALCALDÍA

Con data 11 de agosto de 2016 o Concello da Guarda solicitou unha subvención por importe de 45.000,00 euros á Deputación Provincial de Pontevedra ó abeiro do Plan Concellos 2016 para a execución do proxecto “Praza de Abastos” sobre un orzamento total de 105.000,00 euros, toda vez que a execución do resto do proxecto era obxecto de solicitude doutra subvención á Consellería de Economía, Emprego e Industria. Con data 29 de setembro de 2016 a Deputación Provincial de Pontevedra resolveu conceder á subvención solicitada.

Vistas as condicións da concesión da subvención de dita consellería, o Concello da Guarda viuse obrigado a renunciar á execución deste proxecto e pospoñer esta actuación ata este ano.

Visto que as bases da convocatoria de subvención da Consellería de Economía, Emprego e Industria do ano 2017 mudaron no sentido de que reduciuse a cantidade subvencionable, o Concello da Guarda elaborou un novo proxecto de actuación da Praza de Abastos denominado “Instalación de ascensor na Praza de Abastos” cun orzamento de execución de 65.000 euros dos cales dita administración financiaría o 30% (19,500 euros)

Vista a Base décimocuarta do Plan Provincial de Cooperación ás obras de servizos de competencia municipal para o exercizo 2016 (Plan Concellos 2016) publicado no BOPPO nº 233 de 2 de decembro de 2015 que establece que “unha vez recaída a resolución de concesión, antes de que conclúa o prazo para a realización das actividades obxecto de subvencións e sempre e cando non se prexudiquen intereses de terceiros, poderase solicitar o cambio ou a modificación do seu contido se concorren circunstancias excepcionais, xustificando por escrito as causas que a fundamentan e axeitándose ó establecido nas distintas normas desta convocatoria.

Dadas as circunstancias excepcionais expostas nos antecedentes propono á Xunta de Goberno Local a adopción do seguinte acordo:

**Primeiro.-** Realizar a finalidade obxecto da subvención denominada “INSTALACIÓN DE ASCENSOR NA PRAZA DE ABASTOS”, asumindo o compromiso de cumprir as condicións para iso.

**Segundo.-** Aprobar o proxecto técnico denominado “INSTALACIÓN PRAZA DE ABASTOS.

**Terceiro.-** Solicitar para a súa realización unha subvención por importe de 45.000 euros con cargo ó Plan de Obras e Servizos (Plan Concellos) 2016.

A Xunta de Goberno Local, pola unanimidade dos seus membros, acorda aprobar a proposta nos termos en que foi redactada

E non habendo máis asuntos que tratar o Sr. Predidente da por rematada a sesión ás 8:35 horas do día da data, do que eu como Secretario, dou fe.